

# الشاعر إسماعيل شتا ( مصر )



إسماعيل محمد ابو شعيشع شتا

من مواليد قرية دمرو

مركز سيدي سالم

محافظة كفر الشيخ

في ٢٧:١١:١٩٧٥

حصل على الثانوية العامة ١٩٩٤

طبع له ديوانان

الاول بعنوان قلبك خاف م الجلطة وهج ٢٠١٣

عن اقليم شرق الدلتا الثقافي

والثاني بعنوان ذهب الليل وطلعت روحنا ٢٠١٧

عن دار النيل والفرات للنشر والتوزيع

له تحت الطبع

ديوان بالعامية بعنوان بتغني ليه

وثان بعنوان الزمن الطيب جي

واخر بعنوان مفيش اخبار عن الاخرة

# وصية

ادعوا لي اسيب قبل الفراق ذكرى  
يمكن ألقى الرحمة بعد الموت  
العمر قطر سريع  
ومالهوش صوت  
ممکن يدوسك  
وانت مش دريان  
العمر زي الشمس لما تبان  
حتما هيجي الضل قبل الليل  
نقطة مطر  
تسبق هطول السيل  
يا تشد حيلك قبل نفخ الصور  
أو يبقى حظك في القيامة قليل  
الروح سبية لكل بهجة وترف  
والإستقامة هي أصل الشرف  
ويا ويله من خاض بحرها وانجرف  
بيعد في سنين الشقا بهلاهيل

إسماعيل شتا